



ԱՐՄԻՆԵ ՄՈՒՐԱՊՅԱՆ

Ռազմաճակատից ինձ վառողի հոստ բեր

Ռազմաճակատից

ինձ վառողի հոստ բեր,

հող բեր անկողին

ու բարձր քարից,

մատներիդ արանքի

ծխախոտը կիսատ

ու «լավ եմ»-իդ տակ թաքնված

ցավդ բեր,

բեր ու դիր սրտիս:

Ես էլ քեզ ցույց տամ

իմ խմած շշերը դատարկ,

կիսատ բաժակները սուրճի

ու ճաշը՝ վաղուց սառած:

Բանից կպարզվի,

որ ինձ կրակել են

ուղիղ այնքան,

ինչքան քեզ:

...ապրել չուզելու չափ

փամփուշտներ են

սրտումս: